



Concello de Vigo
Secretaría Xeral

INFORME XURIDICO PROPOSTA

Expte: 1335/1102

Informe xurídico proposta de solicitude de acceso á información pública

Antecedentes

En data 19.12.2022 don ██████████ solicita acceso a información pública en materia da subvención concedida para concerto coral no centro de Vigo en Navidade ou no apartado da Lei de Transparencia no que se pode localizar: Empresa/s adxudicatarias, importe subvencionado e aqueles datos complementarios que me podan facilitar.

En data 22.12.2022 emítese informe da área de Cultura e e posteriormente, en data 26.12.2022 informe do Servizo de Comercio.

LEXISLACION APLICABLE

- [Constitución Española de 1978](#)
- [ei 40/2015, do 1 de outubro, do réxime xurídico do sector público \(LRXSP\)](#)
- [Lei 7/1985, do 2 de abril, das Bases do Réxime Local \(LBRL\)](#)
- [Lei 39/2015, do 1 de outubro, do Procedemento Administrativo Común das Administracións Públicas \(LPAC\)](#)
- [Lei 19/2013, do 9 de decembro, de Transparencia, Acceso á Información Pública e Bo Goberno \(LTAIBG\)](#)
- [Lei Orgánica 3/2018, do 5 de decembro, de Protección de Datos Persoais e Garantía dos Dereitos Dixitais \(LOPDGDD\)](#)
- [Regulamento \(UE\) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos e polo que se deroga a Directiva 95/46/CE \(RGPD\)](#)

CONSIDERACIÓNS XURÍDICAS

PRIMEIRO.- Do dereito de acceso á información pública

A Lei 19/2013, do 9 de decembro, de transparencia, acceso á información pública e bo goberno, regula no seu artigo 12 o dereito de acceso á información pública, preceptuando que *"Todas las personas tienen derecho a acceder a la información pública, en los términos previstos en el artículo 105,b) de la Constitución Española, desarrollados por esta Ley.*

Copia do documento - Concello de Vigo	Data impresión: 03/03/2023 13:23	Páxina 1 de 4
1335-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Asimismo, y en el ámbito de sus respectivas competencias, será de aplicación la correspondiente normativa autonómica."

O acceso á información constitúe un verdadeiro dereito subxectivo que se configura de maneira ampla en tanto que son titulares do mesmo todas as persoas sen que as mesmas teñan que alegar interese específico nin ser preciso a motivación da súa solicitude.

Aos efectos da LTAIBG (artigo 13) enténdese por información pública *"los contenidos o documentos, cualquiera que sea su formato o soporte, que obren en poder de alguno de los sujetos incluidos en el ámbito de aplicación de este título y que hayan sido elaborados o adquiridos en el ejercicio de sus funciones."* É precisamente a "información pública" así concibida sobre a que se proxecta o exercicio do dereito de acceso nos termos sinalados no artigo 17.1 LTAIBG: *"El procedimiento para el ejercicio del derecho de acceso se iniciará con la presentación de la correspondiente solicitud, que deberá dirigirse al titular del órgano administrativo o entidad que posea la información"*.

A Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque o mesmo a elaborou ou ben porque a obtivo no exercicio das funcións e competencias que ten encomendadas. E iso, para garantir o obxectivo que persegue a norma e que non é outro que *"ampliar y reforzar la transparencia de la actividad pública, regular y garantizar el derecho de acceso a la información relativa a aquella actividad"* (art. 1 de la LTAIBG).

SEGUNDO.- Da solicitude formulada

Cabe sinalar que as entidades locais, como suxeito incluído no ámbito de aplicación da LTAIBG deben facer pública, como mínimo, a información relativa as subvencións e axudas públicas concedidas con indicación do seu importe, obxectivo ou finalidade e beneficiarios, conforme ao sinalado no seu artigo 8.1 a). Neste senso o Concello de Vigo a través do seu portal de transparencia <https://transparencia.vigo.org/id=96&tipo=sub&ita=0&lang=es> da cumprimento as súa obrigas en materia de publicidade activa en materia de subvencións.

Respecto da solicitude formulada en materia de acceso información de subvención concedida para concerto coral no centro de Vigo en Navidade consta no expediente *informe de data 22.12.2022 do xefe do servizo de Xestión e Promoción Cultural no que sinalados*

"- A Concellería de Cultura non ten contratado nin organizado de forma directa concerto ningún no periodo do Nadal.

- As subvencións nominativas xestionadas con cargo ao orzamento vixente do exercicio 2022 abarcaron soamente actividades realizadas até o 10 de novembro, estando xa todas elas xustificadas e abonadas.

- Neste intres, descoñécese se algunha das entidades que figuran con subvención nominativa no orzamento municipal de 2023 van incluír, nos proxectos de actividades que presenten no seu momento, algún concerto que se celebre no periodo do Nadal de 2022. O período de actividades a subvencionar abarcará dende o 15 de novembro de 2022 ao 10 de novembro de 2023."

Copia do documento - Concello de Vigo	Data impresión: 03/03/2023 13:23	Páxina 2 de 4
1335-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Así mesmo consta informe do Servizo de Comercio, como órgano xestor en materia de Festas Especiais Neste Servizo de Comercio no que sinala que "non consta a instrución de ningún expediente de subvención para concerto de coral no centro de Vigo na presente campaña de Nadal."

A vista dos informes emitidos a información solicitada non te sido elaborada polo que non constitúe información pública nos termos do artigo 13 da LTAIBG.

TERCEIRO.- Da inadmisión.-

O artigo 18.1 da LTAIBG determina << *Se inadmitirán a trámite, mediante resolución motivada, las solicitudes:*

a) Que se refieran a información que esté en curso de elaboración o de publicación general."

Neste senso o Consello de Transparencia e Bo Goberno estima que esta causa de inadmisión concorre nos supostos en que no se pode proporcionar a información porque materialmente non se ten (resolucións 11/2015, de 25 de maio, 403/2015 de 21 de xaneiro entre outras).

CUARTO.- Do órgano competente

A resolución da solicitude correspóndelle á Concelleira de Seguridade, Contratación, e Xestión Municipal segundo Resolución de Alcaldía de delegacións específicas do 26.06.2019 e 6.09.2022

Polo exposto formúlase a seguinte **PROPOSTA:**

PRIMEIRO.- Inadmitir a solicitude de acceso a información formulada por ██████████ respecto da concesión de subvención para concerto coral no centro de Vigo en Navidade segundo o artigo 18.1.a) da LTAIBG.

SEGUNDO.- Notificar á persoa interesada e comunicar que contra a presente resolución, que pon fin á vía administrativa, poderán interpoñerse os recursos ou reclamacións que a continuación se indican:

- a) Recurso contencioso-administrativo perante o xulgado do Contencioso Administrativo de Vigo, dentro do prazo de dous meses contados desde o día seguinte ao da recepción desta notificación.
- b) Con carácter potestativo, reclamación previa á súa impugnación ante a xurisdición contencioso-administrativa perante o Valedor do Pobo de Galicia, dentro do prazo dun mes a contar desde o día seguinte ao da recepción desta notificación ou desde o día seguinte a aquel en que se produzan os efectos do silencio administrativo. No caso de optar pola reclamación non se poderá interpoñer o recurso contencioso-administrativo ata que aquela sexa resolta expresamente ou se producise a súa desestimación por silencio administrativo.

TERCEIRO.- Dar traslado do acordo a Comisión de Transparencia

Copia do documento - Concello de Vigo	Data impresión: 03/03/2023 13:23	Páxina 3 de 4
1335-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Todo iso sen prexuízo de calquera outro recurso ou acción que estime procedente.

A Secretaria de Administración Municipal, Susana Gallardo Fariña

DECRETO: Vista a precedente proposta, **RESOLVO DE CONFORMIDADE COA MESMA.**

Vigo, data segundo sinatura electrónica á marxe

A Concelleira de Contratación, Patrimonio e Xestión Municipal, Dona. Patricia Rodriguez Calviño

Dou fe, a Secretaria de Administración Municipal, Susana Gallardo Fariña

Copia do documento - Concello de Vigo	Data impresión: 03/03/2023 13:23	Páxina 4 de 4
1335-1102		
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		